



थुकि दुने

धार्मिक सहअस्तित्व हे शान्तिया लैपु

• राजेन मानन्धर - २

बाह्वा: संस्कार व साइट

• श्रीकृष्ण महर्जन नेवा: - ३

नाग स्यायु मत्यः

• पल्लारत्न महर्जन - ६

मच्छेनारायण देगः
ब्लोअप ४ - ५

विद्यालय व्यवस्थापन समिति भंग खनेकुथिइ राजनीति हावी जुइफु : पूर्वमेयर शाक्य

यै महानगरपालिकाया मेयर बालेन्द्र साह छगू न छगू इस्ययात कया: न्ह्याबलें चर्चाय दया हे च्वं । ततःधंगु जुइमा, वा चीधंगु जुइमा, छुं छगू ज्या जुयाकथं थन मेयर साहया चर्चा थुलि याकनं जुइ, व खनां मनूत अजू हे चाः । पूर्व मेयर विद्यासुन्दर शाक्य बजेट फ्याना: स्वदं न्ह्यः हे शिलान्यास जुया: निर्माण जूगु नेपालभाषा मंका: खलःया भवन जुइमा, कमलादीइ नीजि कम्पनी दय्कूगु टावर जुइमा, संघीय सरकारया अधिकार क्षेत्रय ला:गु मूल सडक निर्माण वा मर्मत, विद्यासुन्दर न्ह्याकावंगु १०२ नम्बरया एम्बुलेन्स सेवा जुइमा, दक्वलिइ बालेन या:गु धका: थाय्थासय चर्चा जुइ ।

• नृपेन्द्रलाल श्रेष्ठ
थुलि हे जक नं मखु, सकिपाय द हे मडुगु डायलगायात कया: बालेनं छगू स्टाटस तयाकथं व स्टाटस राष्ट्रिय वहसया विषय जूवन । सकिपा निर्माण या:गु भारतीय कम्पनी हे बालेनयात स्पष्टिकरण बिचा: पौ च्वय्त बाध्य जुल । थ्व दक्व ज्याय गुलिं बालेनं या:गु खय्फु, गुलिं मखय्फु । थ्व सकतां खँया दथुइ शिक्षा क्षेत्रय बालेनया पला:यात कया: धा:सा सर्वत्र तारीफ हे जुयाच्वंगु खः । शिक्षा क्षेत्रय खनेदयाच्वंगु बेथिती चीकेत बालेनं ल्हवनाच्वंगु पला: बांला: धका: सकसिनं धयाच्वंगु खः । तर आ: वया: थ्व क्षेत्रय बालेनं आलोचना फय्मा:गु अवस्था व:गु दु ।



यै महानगरया वंगु असार ३० गते जूगु नगरसभा थः मातहतया दक्व विद्यालयया विद्यालय व्यवस्थापन समिति भंग याना: सम्बन्धित वडाया वडाध्यक्षयात विद्यालय व्यवस्थापन समितिया पदेन अध्यक्ष दय्केगु निर्णय या:गु खः । उगु नगरसभां वर्तमान समिति भंग याना: सम्बन्धित वडाया अध्यक्षयात विद्यालय व्यवस्थापन समितिया अध्यक्षया जिम्मेवारी बीगु प्रस्ताव पारित या:गुलिसें सामुदायिक विद्यालयया व्यवस्थापन समितिया अध्यक्ष व प्रधानाध्यापक असन्तुष्टि कयंगु दु । आ: महानगरपालिका दुने

थुकिं पक्का नं बांला:गु लिच्व: बीमखु निवर्तमान मेयर शाक्य धयादिल । मेमेथाय नं थज्या:गु अभ्यास मजुगु धा:सा मखु । मेमेथाय न्हापाया थज्या:गु अभ्यास स्वयंबलय नं असफल हे जूगु खनेदु । भापाया हल्दीबारी गाउँपालिकाय नं रविन्द्रप्रसाद लिङ्देनया कार्यकाल (२०७४-०७९) य अनया सामुदायिक विद्यालयया व्यवस्थापन समिति भङ्ग याना: वडाध्यक्षतयत समितिया अध्यक्ष दय्कल । तर न अनया पुलांगु समस्या हे ज्यन, न व्यवस्थापन हे बांलाक जुइफत । उगु ईया अनुभवयात कया: हल्दीबारी गाउँपालिकाया निवर्तमान अध्यक्ष लिङ्देन वडाध्यक्षयात विद्यालय व्यवस्थापन समितिया अध्यक्ष दय्केगु धइगु वयागु जिम्मेवारीयात चिनाबीगु खः धासें वडाध्यक्ष अनुगमन याय्गु, निर्देशन बीगु व व्यवस्थापनय ग्वहालि जक याय्मा:गु बिचा: तयादी । थज्या:गु हे बिचा: यै महानगरया निवर्तमान मेयर शाक्य नं तयादी । मेयर उपमेयरया ल्यं ७ पेजय

यल नेवा: समाज स्वन

नेवा: समुदायया २१ जाति आ: छगू हे संरचनाय न्ह्यनीगु याना: यल नेवा: समाजया विधिवत स्वनेज्या जूगु दु । विशेषत: यलयात मू कार्यक्षेत्र दय्का: न्ह्यानाच्वंगु संगठनतयगु संस्थागत प्रतिनिधिमूलक संगठनकथं समाजया स्वनेज्या जूगु खः ।

समाजय कर्माचार्य, कपाली, खड्गी, चित्रकार, ज्यापू, जोशी, तण्डुकार, ताम्रकार, घोला, नकमी, नापित, वैद्यकार, बाराही, बौद्ध विहार संघ, रजक समाज, रज्जतकार समाज, राजोपाध्याय, स्यःस्यः, सिँकःमि व शिल्पकार समाज आबद्ध

जुयाच्वंगु दु । समाजया स्वापू ज्याकुथि आ:यात यल महानगरपालिका - १९य च्वंगु इखालखुइ तयात:गु दु । जिल्ला प्रशासन कार्यालय ललितपुर संस्था दर्ताया प्रमाण लःल्हाना काय् धुंका: संस्थां ज्या न्ह्याके धुंकागु दु ।

समाजया तदर्थ समितिया नायलय ताम्रकार समाजया नाय: विनोद ताम्रकार, न्वकु स्यःस्यः समाजया छ्याञ्जे न्हुच्छेबहादुर नेम्कुल, छ्याञ्जेय राजोपाध्याय समाजया नाय: सञ्जयशर्मा राजोपाध्याय, दाभरिं तण्डुकार ल्यं ७ पेजय

Trendiest Fashion At Price You Love

ufo the clothing store

तान्त्र:या पास कूलफी/आइसक्रिम भपिया दिसै ।

Himalayan Ice

चोको बार १ कस किन्दा २०० को थुवा कूलफी ५० पिस फि ५००० आइसक्रिम १० पिस किन्दा २० को १०० पिस कूलफी फि मिर्की बार १ कस किन्दा २० को १०० पिस कूलफी फि २० कसकी १०० पिस किन्दा २० को १०० पिस कूलफी फि १० कसकी २०० पिस किन्दा २० को १०० पिस कूलफी फि

५०% डिपोजिटमा फ्रिज उपलब्ध छ ।

सुर्वाचनार्यक नगरपालिका, वडा नं. १, सिकदर बस्तर, काठमाडौं १०७९९८३२५, ९८४६०८७५२



नेवाः राष्ट्रिय म्ये

च्वमि : दुर्गालाल श्रेष्ठ लय् चिनामि : तिर्थ माली

धुन दने धुन सँन्टयलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छगू
जातितय् स्वायत्त राज्य लुइ कर्प च्वय् भिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



सडक विस्तार व स्थानीयया विरोध

यँया न्हसतक लिक्क दुम्ह महाकाःद्यः । महाकाःद्यःया देगः सडकलिसे हे स्वानाच्चंगु दु । व हे देगःया अंगलय् म्हिगः सोमबाः सुथय् छगः ट्याङ्कर ह्याः न्याकाबिल अले देगःया अंगलय् नं क्षति यानाबिल । आः देगः सडकय् लात, देगः अनं चीकेमाल धकाः छथ्वः मनूतय्सं खँ ल्हाय्त बेर म्दु । यँ वा स्विनिगःया लागिं थ्व न्हगु खँ मखु । न्हापा नं छुं दँ न्ह्यः क्षेत्रपाटीइ लैय् दथुइ दुगु गनेद्यःया देगलं यानाः जाम यक्व जुल, अनं व देगः चीकेमाल धकाः सः दंगु खः । लैनचौरय् नं लैय् दथुइ दुम्ह द्यः चीकेमाल धकाः खँ वःगु खः । डोजरे विकासया मानसिकतां ग्रस्तपिन्सं इलय्ब्यलय् थनया धार्मिक, सांस्कृतिक मूर्त सम्पदात चीकेगु खँ ल्हानाच्चनी । आः महाकाःद्यःया देगलय् ट्याङ्कर न्याःवनेधुंकाः नं थ्व हे खँ दनीगु सम्भावना म्दुगु मखु । तर थनथाय् न्ह्यसः थ्व खः कि यँया आवश्यकता तब्यागु सडक हे जक खःकि व्यवस्थापन ?

महाकाःद्यःया न्ह्यःने च्वंगु सडकया हे खँ ल्हाय्गु खःसां व सडक न्हापाया स्वयां तब्या जुइधुंकल । व सडक तब्या याःगु इलय् नं अन देगःया न्ह्यःनेसं दुगु सिमा, चीभाःद्यः आदि चीकेगु खँ पिदंगु खः । तर सिमा दुगु क्षेत्र ट्राफिक गार्डेन थें दय्काः, चीभाःद्यःलिसें सकतां गथे खः, अथे हे तयाः सडक विस्तार जुल । अथे हे लैनचौरय् नं लैय् दथुइ दुम्ह द्यः गथे खः अथे हे तयाः सडक विस्तार जूगु खः, व नं स्थानीयया विरोधया दथुइ ।

सडक विस्तारया खँ वइ, स्थानीय विरोध याइ । विरोधया सः राज्य न्यनीमखु, व सःयात क्वत्यलाः सडक विस्तार जुयावनी । भविष्यय् वनाः व सडक विस्तारया औचित्य दुला धइगु न्ह्यसः दनी । हाकनं आम नागरिकया सः क्वत्यलाः न्ह्याःवनीगु राज्य व न्ह्यसःया लिसः बी आवश्यक नं ताय्कीमखु ।

सडक विस्तार हे जक समस्याया समाधान खःला धकाः स्वय्गु खःसा लिसः सकसिगु छगू हे जुइ, ‘मखु’ । कोटेश्वरया लँ हे आः स्वल धाःसा जाम जुया हे च्वं । कलकिलिसें चक्रपथया सडक अपाय्मछि ब्या जुइधुंकल । तर इलय्ब्यलय् जाम जुया हे च्वं । लिपा सवारीया चाप अप्वयावनी व जाम नं अप्वया हे वनीतिनि । व्यवस्थापन हे म्दु अले कथित विकासे योजना राजधानी केन्द्रीत यानातय्गु खःसा जनताया छँ थुनाः सडक विस्तार जक यानां छु याय् ?

सडक विस्तारया औचित्यय् न्ह्यसः दनाच्चनीगु छगू प्रमुख कारण ला थ्व ख हे खत । आः हाकनं चोभारया सुख्खा बन्दरगाहयात कयाः नं थ्व कथित विकासे योजनाया खँय् न्ह्यसः दंगु दु । जनताया विरोधया दथुइ, स्थानीयया छँबुं कयाः सुख्खा बन्दरगाह दय्कल । आः वयाः उगु बन्दरगाहया व्यवस्थापनया जिम्मा नीजि कम्पनीयात बीगु हं । न्हापांगु खँ ला उगु थासय् सुख्खा बन्दरगाह दय्के पाय्छिगु निर्णय खः कि मखु ? ख हे खःसां जनतां दय्कूगु नीजि कम्पनीयात लबः बीत जक हे जुल ला ?

धार्मिक सहअस्तित्व हे शान्तिया लँपु



राजेन मानन्धर

धर्म मनूतय्गु सभ्यताया छगू चिं खः । जब मनूतय्सं द्यःया अस्तित्व स्वीकार यात, जब प्रकृतिया थी थी खँय् द्यःया स्वभाव खन अले मनूत सभ्य जुल धाःसां जिल । तर थ्व हे धर्मया कारणं मनूत थी थी समुदायलय् विभाजित जुसैलि, देशया सत्ता चलेयाइपिन्सं धर्मयात हतियार दय्काः थः मनूतय्सं न्ह्यागु गलत याःसां माफ अले करपिन्सं छुं मयाःसां स्याय्गु पालेगु तर्क याःगु इतिहास नं भीगु न्ह्यःने दु । धर्म धइगु विषय हे अज्याःगु, गुकिं माल धाःसा संसारया दक्क मनूतय्त छपाय् छधी नं याइ, अले माल धाःसा उमित ल्वाकाः दवलं द्वः मनूतय्गु आमसंहार नं याकी । अथे जुयाः हे आधुनिक पश्चिमी समाजय् मनूतय्सं धर्मयात अपाय्सकं महत्व मबिउ । अभ्र मनूत थः छुं हे धर्मय् म्दु, धकाः धाय्गुलिइ आनन्द वा गर्व ताय्की । एशियाय् अभ्र दक्षिण एशियाय् धाःसा अभ्र धर्मया नामय् ल्वापु याना हे च्वनतिनि । भीगु जनगणनाय् धर्मयात महत्व बियातःगु हे थुनिया प्रमाण खः ।

नेपाल बहुभाषिक, बहुजातीय व बाहुधार्मिक देय् खः । थन थी थी धर्म मानेयाइपिं मनूत इतिहासया थी थी इलय् दुहाँ वल । थनया धर्मसंस्कृतिइ थःगु प्रभाव लाकल, थनया धर्म संस्कृतिपाखें थः नं प्रभावित जुल । थ्व हे नेवाःतय्गु स्वभाव खः । पृथ्वी नारायण शाहं नेपाल उपत्यका त्याकाकाय् न्ह्यः थन शैवमार्गी वा हिन्दुत, बुद्धमार्गी वा बौद्ध अले इसाईत व मुसमांत दूगु इतिहास भचा भचा ब्वनातःपिन्सं सिउगु हे खः ।

थन मुसमांत लिच्छवीकालय् हे दुहाँ वय्धुंकल धाइ । अथेसां जुजु रत्नमल्लया पालय् सन् १५२० पाखेनिसं थन मुसमांत वयाः ब्यापार यानाः थनया हे बासिन्दा जुयाः च्वनाछ्वत । थनया पुलापिं मुसमांतय्सं नेवाः भाय् बांलाक ल्हाः अले उमित थनया मेमेगु धर्मावलम्बी नेवाःतय्सं विभेद नं याःगु खनेमदु ।

अथे हे नेपाल उपत्यकाय् इसाईत नं १७औं शताब्दीइ हे दुहाँ वय्धुंकल । सन् १६२८य् यँय् जगज्योति मल्ल जुजु जुयाच्चंबलय् जेसुइट मिशनरी जोवा ग्रेवाल नेपालय् वःगु धइगु इतिहासकारपिनिगु धापू दु । अथे हे लिपा नं तःगु मिसनरी नेपालय् वःगु ऐतिहासिक प्रसंगत दु । छम्ह इसारी मिसनरी प्रताप मल्लयात दुरिबन उपहार बिउगु दु । अथे हे किपुलिइ पृथ्वीनारायण शाहं स्थानीय किपूमिपिनिगु न्हाय् ध्यनाबिउगबलय् अन च्वनाच्चम्ह फादर माइकल एन्जेलो व घाइते मनूतय्गु अले युद्धय् मिखा तज्याःम्ह सुप्रताप शाहयागु तर्क उपचार यानाबिउगु खः । थथे अमानवीय आक्रमण यानाः राज्य हडपेयाइपिनिगु न्ह्यःने अज्याःगु सहयोग वासः याइपिन्त द्यः भाःपियाः उमिगु अर्ति उपदेश न्यनाः इसाई धर्म अपनेउयात धाःसा सुं अजू चाय्म्वाः । थुकर्थं सत्यादँ तक थन च्वनाः उमिसं याःगु थी थी सेवा सहयोगया कारणं थन तःधंगु वा चीधंगु इसाई समाजया निर्माण जुल ।

नेपालय् लुँया सिंहासनय् च्वनाः शासन याय्त वःम्ह पृथ्वी नारायण शाहं थन एकछत्र शासन याय्त बौद्धतय्त ला तह लगेयाय् अपुइ ताल जुइ तर इसाई व मुसमांतय्त बशय् काय् थाकुइगु अन्दाज अबलय् हे याय्धुंकल । उकिं थःगु

ल्हातिइ स्विनिगःया बागडोर वय्वं वं इसाईत व मुसमांतय्त निशाना दय्कल । वं इसाईतय्त ला देशनिकाला हे यानाछ्वत, उर्पिं भारतया बेतिया धइगु थासय् च्वंवन । अले मुसमांतय्त धाःसा देशनिकाला याय्मफुत, उकिं थन हे च्वनेबिल तर राज्यपाखें बिइगु सुविधापाखें बन्चित यात । जंग बाहादुरं ला उमित लः तर्क चलेमजुर्पिं धकाः जातीय विभेद यानातल । मेखे राणाकालय् चन्द्र समशेर प्रधान मन्त्री जुयाच्चंबलय् थनया बौद्ध भिक्षुपिन्त देशनिकाला यानाछ्वःगु अले तःदँ तकया निर्वासन लिपा जक उर्पिं नेपालय् लिहाँ वय्खंगु खँ नं प्रासंगिक जुइ ।

विश्वय् थी थी थासय् इसाईतय्गु मिसन वनाः अनया विपन्न मनूतय्त आर्थिक, सामाजिक, शिक्षाया छ्यलय् ग्वाहालि यानाः उमित इसाई देय्केगु मिसनारी ज्या आधुनिक नेपालय् नं बुलुहुँ जुजुवन । न्हापा ला थज्याःगु ज्यायात



गैरवानुनी हे धयातःगु खःसां देसय् लोकतन्त्र वय्वं थ्व ज्याः खनेदय्के हे न्ह्यात । उकिया हे फलस्वरुप नेपालय् इसाईतय्गु जनसंख्या अप्वयावःगु खनेदु ।

समय परिस्थिति व जनआन्दोलनया कारणं नेपाः धर्म निरपेक्ष देश जूगु दु । थुनिया शाब्दिक अर्थ राज्यं छगू धर्मयात घय्पुनाः उकियात उत्थान व संरक्षणया लागि राज्यया धुकू चाय्केमखु धइगु थुइकी । तर नं नेपालय् धर्म मानेयाय्मखु धाईपिं कन्युनिष्टत हे यक्व धयाथें सरकारय् च्वंसां उमिसं एकनासं हिन्दु धर्मयात जक सुविधा बियाः उकिया हे उत्थानयालागि सरकारी बजेट खर्च यक्व यानाच्चंगु भी सकस्यां खना हे च्वना । अभ्र अज्याःगु खर्चय् करोडौया भ्रष्टाचार जुल नं अज्याःपिन्त कानूनया कठघराय् थनेत ई कयाच्चंगु दर्नि ।

भारतय् हिन्दु अतिवादी धार ज्वनाः राजनीति यानावःम्ह नरेन्द्र मोदीया सरकार बनेजुवँ नेपालय् हानं हिन्दु राष्ट्र हय्माल धकाः हिन्दुतय्सं माग याय्गु तच्चः जुयावल । उकिंसं राजतन्त्र लिहाँ वय्माः धकाः धाइगु राजनीतिक पार्टी खुलेआम हे हिन्दु राष्ट्र दय्केत आन्दोलन यानाच्चंगु दुसा मेखे दक्क धयाथें हे सत्ता वनीपिं मनूत व हे उच्च जातया हिन्दुत जुइगु अले उमिसं थःयसैं हिन्दु राज्यया हे पृष्ठपोषण जुइकर्थं सार्वजनिक थासय् नवाय्गु यानाहयाच्चंगु नं खनेदयावल । थुथाय् हे अमेरिकाया अन्तर्राष्ट्रिय धार्मिक स्वतन्त्रता प्रतिवेदनय् नेपाली समाजय् भारतीय उक्साहट बढेजूगु अले नागरिक समाजया अगुवातय्सं दक्षिणपन्थी धयातःगु भाजपासम्बद्ध धार्मिक समुहं नेपालया दक्क राजनीतिक दलया प्रभावशाली नेतायात हिन्दु राष्ट्रया समर्थनय् नवाय्त मदिकक ध्यबा छ्वयाहःगु धयातःगु दु धइगु समाचार वल । थ्व खँ थनया थी थी नेतातय्गु अकस्मात हिन्दु राष्ट्रया समर्थनय् नवानाहःगु लिसे दानाः स्वयंबलय् संयोग जक मखु धाय्थाय् दु ।

थज्याःगु वातावरणय् थः बहुमत दु धकाः धाधां राज्ययापाखें दकलय् यक्व सुविधा कयावयाच्चर्पिं हिन्दुतय्के थ्व देय् हिन्दुतय्गु जक खः, थन थम्हं धयाथे हे जुइमाः धइगु अहंकार अप्वयावःगु खनेदु । उमिसं छखे बौद्धतय्त छिपिं जिमि हे द्यःया अवतार जूगुलिं छिभिगु अलग

अस्तित्व म्दु धकाः धाय्गु यानाहल । अथे हे इसाईतय्त न्ह्याबलें विदेशी, डलर कयाः धर्म परिवर्तन याःपिं धकाः हेला वा आक्रमण याय्गु यानाहल । उमिसं ला थन हिन्दु बाहेकया धर्मावलम्बीतयसं उमिगु अनुमति बाहेक सासः तर्क ल्हाय्दइमखुथें च्वंक आक्रमक अभिव्यक्ति बियाहःगु दु ।

थ्व हे भ्वलय् धरानया छगू हिन्दु द्यःगया नापं न्ह्गु छगू चर्च दय्केवं छकलं थी थी थासं हिन्दु गुरुतय्सं थुनिया विरोध यानाहःगु दु । अथे हे सामाजिक सञ्जालय् नं विशेष यानाः बरमू व छेत्रीतय्सं थुनिया सशक्त विरोधया अभिव्यक्ति बियाहःगु दु । मेमेबलय् नेपाःया थी थी जिल्लाय् उमिमछि चर्च दय्देकेधुंकल, यें पशुपतिया जग्गाय् हे चर्च दय्कूगु समाचार पिदंगु खः तर थबलय्थें आक्रमण न्हापा जूगु खनेमदु । न्हापालिपा नमवानाच्चंगु हिन्दु संगठनत नं आः नियोजित कथं हे विरोध यानाःगु दु । थुनिया प्रकृति स्वयंबलय् थुनिया लिउने सुं वा छुं सशक्त संगठनया निर्देशन हे दु धइगु शंका याय्थाय् दु ।

छखे हिन्दुतय्गु अहंकार खनेदय्क बढेजुयाच्चंगु दु धाःसा थुनिया हे लिच्चःकर्थं इसाई, प्रकृतिपूजक, गुलिखे बौद्धत अले हिन्दुदुनेया हे अछुत दय्कातःपिं क्वजात वा दलितत न्हापं हिन्दुप्रति सशक्त व विकर्षित जक मखु बुलुहुँ घृणाया वातावरण तर्क बढेजुयावयाच्चंगु नं खनेमदूगु मखु ।

मेखे नेपाःया बौद्ध व इसाईतय्त घृणाया बोलीं आक्रमण याइपिन्सं आःतक थनया मुसमांतय्त धाःसा प्रत्यक्ष कथं उभनं आक्रमण याःगु खनेमदुनि, अले अज्याःगु विभेदयात मुसमांतय्सं नं लिसः बिउगु न्यनेमदुनि । नेपालय् पटक पटक हिन्दु मुसमां दथुइ भ्रडप जूगु समाचार आकलभुकल वःसां ततःधंगु मिडियां उकिया विस्तृत खबर मबिइगु जुयाः थ्व द्दवन्द्व वा दुरीया अनुमान भीगु समाजय् म्दु । नकतिनि हे सर्लाहीइ हिन्दु व मुस्लिमया दथुइ भ्रडप जुइवं अनया स्थानीय प्रशासनं २०८० साउन १४ गते कफर्गु हे तयाबिउगु दु ।

नेपालय् यक्व धयाथें शान्ति व अशान्ति विदेशी शक्तिया निर्देशनय् जुयाच्चंगु धकाः यक्वस्यां अनुमान यानातःगु दु । खः मखु हे मसिइकं लहलहैया भर ऋतिक रोशन काण्ड व इराक काण्ड जूगु दृष्टान्त यक्व पुलां मजुनि । थनया मनूत धर्म व दर्शनया अध्ययनय् कमजोर धकाः सिइकाः थन छखलःयात अःखर्त सिमा गय्काः अशान्ति हय्त तत्पर जुयाच्चर्पिं अन्तर रिष्ट्रिय गिरोहं थ्व दक्क घटनायात बांलाक स्वयाच्चंगु दु । थज्याःथाय् मौका लुत कि भौत हे ग्वाकाः धर्मया नामय् अशान्ति हयाः राजनीतिक फाइदा काय्त सुं ताक स्वयाच्चंगु दु । भारतय् गथे हिन्दुतय्त ग्वाकाः मुसमांतय्त अमानवीयकर्थं यातना बियाः छगू शक्ति सत्ताय् थ्यन, नेपालय् नं अथे जुइमखु धाय्थाय् म्दु ।

हरेक मनूयात थः यःगु धर्म अपनेयाय्गु छुट दु । तर थःगु धर्मयात तःधं ताय्काः मेपिनिगु धर्मयात गलत, कमजोर धकाः अभिव्यक्ति याय्गु स्वच्छन्दता दय्मजिउ । थ्व समाजया लागि अभिशाप जुइ । बहुमत मनूतय्सं मानेयाःगु धर्म जक तःधं धाय्गु जमाना मखय्धुंकल आः । सुयागु मदहोशय् पिज्वःगु अहंकारया वाक्य मेपिं सीमान्तकृत धार्मिक समुदायया लागि गौर्पलं तियाक्कां जुइफु । अज्याःगु अवस्थाया लिच्चः भयावह जुइफु । थज्याःबलय् सुयागु छकूचा मिपुसां समाज व धनजनया क्षति जुइफु धकाः वाः चाय्केमाः ।

थज्याःगु अवस्थाय् नेपालीतय्सं थःगु धर्मयात मेगु स्वयाः तःधं मताय्कुसे हरेक धर्मया स्वतन्त्र अस्तित्वयात स्वीकार यानाः, संयमता अपनेयानाः सहअस्तित्वया वातावरण दय्काः शान्ति कायम याय्गु हे बुद्धिमानी जुइ ।



શ્રીકૃષ્ણ મહર્જન નેવા:

स्वानंगःया आदिवासी नेवाः
समाज दुने थीथी कथंया संस्कार व
संस्कृतित दु । नेवाः दुने नं विविधता दुगु
संस्कार व संस्कृति दु । छ्मू हे प्रकृति
संस्कार यात नं ब्यागलं ब्यागलं कथं नां
बिया हनाच्वंगु अवस्था नं दु । वस्तावयु
संस्कार धइगु मनू अर्थात व्यक्तिया
सक्षम यायगु निति याइगु चलन खः
छ्मू समाजया जिम्मेवार मनू जुया
न्ह्याबलें छ्मू धस्वाका म्वाना च्वेनेगु
नाप नापं जीवनय वइगु न्ह्याथेजाःगु
पंगःयात नं चीकाः वने फय्केगु निति
संस्कार याना वयाच्वंगु खः । उलि जक
मखु संस्कार उमह मनू गज्वःगु अवस्थाय
थ्यन धकाः तर्क संकेत बियाच्वंगु दइ ।
गथे कि जँक्व संस्कार धइगु छ्मू कथं मनू
हे दः जुल धइगु भाव पिब्वइगु कथंया
संस्कार खः । अले मनू सिइ धुंकाः नं
वय्कःया गुण लुमंकाः न्ह्याः वनेगु
निति याइगु संस्कार मृत्यु संस्कार खः ।
थीथी कथंया संस्कारत धाय्बलय् मचा
प्वाथय् दुगु इलय् धौबजि नकेगुनिसे
मचा बुइ धुंकाः ब्येकेगु, मचा जँक्व
अर्थात जा नकेगु, इहि यायगु कय्तापूजा
यायगु (बरे छुकेगु), बाहाः तयगु, वंजला
छ्मूयगु, बाहाः तयगु, इहिपाः यायगु नाप
नापं थीथी कथंया संस्कारत दु । नेवाः
समाज दुने नं थज्वःगु कथंया संस्कारयात
ब्यागलं ब्यागलं नां बिया हना वयाच्वंगु
दुसा गनं याइगु संस्कारयात मेगु थासय्
च्विपिं नेवाःत मयाइगु नं चलन दु ।
थथे विविधता दुगु संस्कारत मध्य् छ्मू
जक मंकाः संस्कार धइगु बाहाः तयगु
संस्कार खः । बाहाः तयगु संस्कारयात
गुलिं गुलिसिनं बाहाः तयगु मखुसे बाहाः
च्वेनेगु धकाः नं धयाच्वंगु दु । थुगु कथं
बाहाः संस्कारया महत्वायात नं मन्तयसं
थीथी कथं थुइका वयाच्वंगु अवस्था दु ।
बाहाःया अर्थ

नेवाः समाजय् दुने समान कथं
अले मकाः कथं हना वयाच्वंगु संस्कार
धइगु बाह्राः खः । बाह्राः संस्कारयात
न्ह्याथय् च्वीपिं नेवाःतय्सं जूसां बाह्राः
हे धयाच्वंगु दु । मेगु नामं म्हसीकेगु
यानाच्वंगु मदु । फुक्कसिनं फुक्कथासय्
हे बाह्राः हे धाय्गु याना वयाच्वंगु दु ।
बाह्राःयात न्हापा न्हापाया सफुतिइ
बाल्हाः धकाः च्वयातःगु दु धाइ ।
बाल्हाः जुया हे लिपा बाह्राः जूगु खः
धाइपिं नं मदुगु मखु । अथे हे गुलिं
गुलिं संस्कृति सम्बन्धि अनुसन्धान
यानाच्वीपिन्सं बास्तवय् बाराः जुया
लिपा बाह्राः ज्वंगु खः धाइपिं नं मदुगु



मखु । छु नं कथंया पंगः पनेगु नितिं
बारं चिइगु याता बाराः धाइगु जुया
मिसामस्तथत मखूगु नियतं पनेत चीइगु
अर्थात नियमय् तयगु जुया बाराः धाधां
लिपा बाह्नाः जूवंगु धाइ । अले गुलिं
गुलिसिनं फिनिन्हु तक तयगु जुया बाह
(१२) दिन तक तयगु जुया हे बाह्नाः
धाःगु खः धार्पिं नं मदुगु मखु । न्ह्यागु
जूसां नं आखिर बाह्नाः धइगु नेवाः
समाजया मिसा मस्तथत याइगु छू
महत्वपूर्णगु संस्कारया रुपय कायफु ।

बाऱ्हाः ध्याय् तइ ?

मिसा मस्तयूत बाऱ्हाः तयूगु चलन नेवाः समाजय् दु । बाऱ्हाः तय् धुंकाः जक उम्ह मिसा मचा इहिपाः यायूत सक्षम जूम्ह कथं नाली । उकिं बाऱ्हाः मतःम्ह मिसालिसे इहिपा यायूमजिउ धाड्गु नं चलन दु । थनि प्यंगू दशकति न्हयः तक बातवय् जब मिसा मस्त मजिउ जुइ अर्थात रजश्वला जुइ अबलेनिसें हे छैया क्वथाय् तड्गु चलन खः बाऱ्हाः । अथे मजिउ जुउगु धड्गु उम्ह मिसा मचा मां जुइत क्षमता दुम्ह जुल धकाः थुइकी । न्हापांखुसि मजिउ जुइबलय् उम्ह मिसा मचा तसकं ग्याड्गु स्वाभाविक हे खः । थःगु यौन अंगं हि वड्गु जुया ग्याड्गु खः धकाः धाय्छिं । तर थनि स्वंगू दशकति न्हयःनिसें धाःसा मिसा मस्त मजिउ जुइ न्हयः हे बाऱ्हाः तयूगु यानाहःगु दु । मजिउ जुइ न्हयः हे मिसा मचा करिव १३ बर्ष थ्यने न्हयः हे बाऱ्हाः तयूगु यानाहःगु खः । अथे बाऱ्हाः तड्गु ई धड्गु छन्हुं, खुन्हुं वा भिनिन्हुं तक तयूगु यानाच्वंगु दु । सुं छम्ह बाऱ्हाः तयातःगु दुसा अन धाय् यंकेंगु धकाः छन्हुं वा खुन्हुं तक तयूगु यानाच्वंगु दु ।

यौन शिक्षा बिड़गु
जब मिसा मचाया यौन अंगं

हि वइ अर्थात् मजिउ जुइ अबलेनिसें
वयागु शरिरय् यौन अंगत मेमेगु नं
बाँलाक्क विकास जुया वइगु खः ।
उलि जक मखु न्हापांखुसि मजिउ
जुइगु इलय् मिसामचा अजू चाइगु नं
स्वाभाविक हे खः । अले उम्ह मिसा
मचायात बाह्यः तयातःगु थासय् वना
अनुभवि मिसापिन्सं बास्तवय् यौन
शिषा बिइगु खः । आः छंगु यौन अंगत
विकास जुया वइ, छ मां जुइ फुम्ह
जुल, छ न्ह्यलाथे सना जुइ मजिल,
मिजंतयूसं मिखा तय्फु धइगु नापं
थीथी कथंया शिक्षा बिइगु चलन दुगु
खः । तर लिपांगु इलय् वया बाह्यः
तय्गु धइगु मजिउ जुइ न्हयः हे तय्गु
नापं छगू चलनयात जक पूरा याय्गु
कथं याना भव्य नय्गु याना जक बाह्यः
तय्गु यानाच्वंगु दु । उकिं याना यौन
शिक्षा विइगुसिबें नं तय्माःगु नामय्
बाह्यः तय्गु अले भव्य नय्गु जक
यानाच्वंगु अवस्था दु ।

बाह्याः संस्कारय वःगु हिउपाः
थनि स्वंगू दशक न्हयःनिसें मजिउ
जुइ न्हयः हे बाह्याः तयगु यानाहःगु
खःसा अथे हे अबलेनिसें हे विहारय
यंकाः अष्टशिल बिया नैतिक शिक्षा
बिइगु नं यानाहःगु दु। विशेष याना
अन्तरजातीय इहिपाः ज्यूलिं बाह्याः
तयूत समस्या जुया, बाह्याः तयूत थःगु
छैय् थाय् मदयानिसें बाह्याः तय् धुंकाः
भवय् नकेगु नितीं आर्थिक रुप सक्षम
मजुया साय्द अथे विहारय यंकेगु याना
वयाच्चंगु खय्माः। विहारय यंकाः
मिसा मस्तयूत अष्टशिल बिइगुयात
ऋषिणी यायूगु धाइ। अले समाजय्
ऋषिणी याःगुयात नं बाह्याः तःगु कथं
नालाहःगु दु। अष्टशिल बिइगु धइगु
प्राणि हिंसा मयायूगु, खुया मकायूगु,
ब्रम्हचार्य शिक्षा पालना यायूगु, असत्य

खँ मल्हायूग, न्हिनय् १२ बजे लिपा
ठोस खाना मनयूग, मनोरंजन मयायूग,
यक्व सुविधानभोगी जुया मच्चनेगु
धकाः शिक्षा बिइगु खः । लिपांगु इलय्
वया अप्वः याना नेवाः समाज दुने
मध्यमवर्गया मनूतय्सं थः म्हायू
मस्तयूत बाह्यः तयूगु मयासे विहारयू
यंकाः ऋषिणी यायूगु याना वयाच्चंगु
खने दु ।

बाह्याःया तय्गुया साइट

न्हापा न्हापा बाह्राः तय्गु नितिं साइट हे पिकयातःगु खःसा थुगुसीनिसें अज्वःगु कथंया साइट मन्त । नेपाल संस्कृति मन्त्रालय अन्तर्गतया नेपाल पञ्चाड निर्णायक समितिपाखें पिथनीगु पञ्चाड पात्रय् थुगुसीनिसें साइट बियातःगु मदु । २०६८ सालनिसें ७० साल तकया पञ्चाड पात्रय् धाःसा बाह्राःया साइत बियातःगु दु । बैशाख, जेठ, श्रावण, आश्विन, मंसिर, माघ व फागुन महिनाय् याना करिव भिन्च्यान्हु तकया साइट बाह्राःया नितिं बियातःगु खः । अले ज्योतिष वा गुर्जुपिन्थाय् वना बाह्राः तय्गु साइट कया नेवाःतय्सं बाह्राः तय्गु याना वयाच्वंगु खः । बाह्राः तय्गु धइगु छू प्राकृतिक नियम अर्थात मिसा मस्त मजिउ जुइगु नाप स्वापू दुगु जुया साइट बिइगु ज्या याय् मजिउ धकाः सायद पञ्चाड निर्णायक समितिं बाह्राःया साइट मबिउगु खय्माः । साइट धइगु तिथि, नक्षत्र, बार, योग, करण, महिनायात स्वया भिंगु दिं ल्यया बिइगु ज्या खः । थुगुसीनिसें अथे बाह्राःया साइट पञ्चाड पात्रय् मदय् धुंकूगु जुया साइट स्वया मजिउ जुइ न्हयः हे बाह्राः तय्गु सोच दय्काच्चीपन्त थुकिं लिच्वः लाइगु स्वभाविक हे खः ।

न्ह्यागु जूसां आखिर वाहाः
संस्कार धइगु मिसा मचायात
यौन शिक्षा बिइगु खः । अले नेवाःत
पुर्खातय्सं न्हापांनिसें हे मिसा मस्तयूत
यौन शिक्षा बिइमाः धकाः थुइका गुगु
कथं संस्कारया रुपय् नाला वयाच्चंगु
धइगु छ्मू दुर्दृष्टि कथं याना वयाच्चंगु
खः । तर लिपांगु इलय् वया बाहाः
तयगु धइगु अन्धविश्वासया रुपय्
विकास जुया वनाच्चंगु दुसा थुंक्रियात
कया नेवाः समाजय् बांलाक्क थुइका
वने फत धाःसा समाजया निरितिं
बांलाःगु हे ज्या जुइ धकाः धाय्फइगु
अवस्था दु ।

[illegible]



राम प्रजापति
प्रोप्राइटर

हारती मिठाई भण्डार

(शुद्ध शाकाहारी)

कालिमाटी चौक, टंकेश्वर मार्ग, काठमाडौं ।
फोन नं. : ०१-५३७२१९९, मो. ९८०३९८०६९९

यहाँ:- विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

लहना

२०८० श्रावण १६ मंगलवाः



Dharmendra
PHOTOGRAPHY



नाग स्याय् मत्यः



पन्नारजन महर्जन

ताहाः बाय् नाग
धयाठ्ठ बिषादि जीब
खः । थुमिके बिष
ग्रन्थि दइ । अथे
जुयाः गुगुं नं इलय्
थुमिसं ल्हाइगु
सासलय् बिष नं
ल्वाकज्यानाच्वंगु
दय्यः । सीगु
अबस्थाय् न्हयाठ्ठ
प्राणी नं थाकुक् सासः
ल्हाइ । अथे थाकुक्
सासः ल्हाइ बलय्
सासःया नापं बिष
ग्रन्थिया बिष नापं
ल्वाकज्याना वय्फु ।

नाग नं ताहाः थें हे म्ह लुयाः
वनीम्ह जीब खः । अथे जुयाः नाग व
ताहाः अथे अथे हे खनेदइ । थ्वयागु
म्ह नं ताहाकः जुइ । अथे जुयाः
थ्वयात ताहाः नं धाः । थुपिं यक्व
प्रजातियापिं दु । अथे खःसां भीथाय्
यक्व प्रजातियापिं मदु । नाग व ताहाः
छुतय् याय् थाकु । भाषाया संबोधनया
भिन्नतां यानाः जक ताहाः अथवा
नाग धाय्गु यानावयाच्वंगु खः धकाः
नं धाय्गु याः । अयनं गुलिगुलिसिनं
तःधिकाःम्ह व न्हियं थुथ्याम्ह जुल
धाय् व ताहाः मधासे नाग नं धाय्गु
याः ।

ताहा व नागत मन्त खनाः
ग्याः । अथेजुयाः थुपिं मन्तय् पाखें
तापाक च्वनेगु याइ । थुपिं पिहाँ
वयाच्वनीबलय् मन्त वःगु वाःचाल
धाय् व हथासं बिस्युं वनी । थज्याः
बलय् मखसं थुमित न्हुल बाय् इमित
छुं कथंया खतरा महसुस जुल धाय् व
थुमिसं न्याय् नं यः । अथे न्याय् यःपिं
जूसां इमित स्याय् मत्यः धकाः धाय्गु
याः ।

सुयातं स्याय्गु पालेगु धयागु
पाप खः । पाप धयागु सुनानं
याय्मज्यु । पाप यातकि सीबलय्
नरकय् वनी धयागु धार्मिक बिश्वास
दु । उकें सीकं सुनानं पाप याइमखु ।
ताहा बाय् नागयात स्याय्मत्यः धयागु
पाप लाइ धकाः जक धयातःगु मखु ।
थुकी बैज्ञानिक आधार नं दु ।

ताहाः बाय् नाग धयाम्ह बिषादि
जीब खः । थुमिके बिष ग्रन्थि दइ ।
अथे जुयाः गुगुं नं इलय् थुमिसं ल्हाइगु
सासलय् बिष नं ल्वाकज्यानाच्वंगु
दय्यः । सीगु अबस्थाय् न्हयाम्ह प्राणी
नं थाकुक् सासः ल्हाइ । अथे थाकुक्
सासः ल्हाइ बलय् सासःया नापं बिष
ग्रन्थिया बिष नापं ल्वाकज्याना वय्फु ।
थज्याःगु अबस्थाय् इमिसं ल्हानाहःगु
सासः अन न्ह्यःने च्वपिनिगु म्हय् वन
धाय् व इमित नापं असर जुइ । स्याय्गु
ज्या याइम्ह सीम्हेसिया न्ह्यःनेसं
लानाच्वनी ।

क्यामरां फोटो काइ बलय् लेन्स
फोकस व टाइमिंग मिलय् मजुल धाय् व
फोटो बांलाक वइ मखु । थुपिं स्वतां
मिलय् जूसा जक फोटो बांलाइ ।
प्राणीतय् मिखाया नानिचा नं छगू कथंया
क्यामरा थें हे खः । थुकी न्ह्यःने च्वंगु
दक्व खनेदयाच्वनी । लेन्स फोकस व
टाइमिंग मिलय् जुयाच्वंगु अबस्थाय्



भीगु धार्मिक मान्यता कथं नागयात घः कथं मानय् यानातःगु दु ।
नाग पञ्चमी खुन्हु थ्वया किपा तयाः पुजा याइ । थ्वयात नागराजा
कथं संबोधन याय्गु याः । नागराजापिनिगु गुलिखे पौरानिक धार्मिक
बाखं दु । थज्याःगु दक्व बाखंत लः नाप स्वापू दयाच्वंगु दु । नागयात
लःया श्रोत कथं काय्गु याः । उकें गननं तुं बुंगाः दय्केत न्हापां
नागया निं आराधना याइ । नागया प्रतिक पलिस्था याःसा जक लः
बांलाक वइ धयागु बिश्वास याइ ।

सुयातं स्यात धाःसा सीमेसिगु मिखाया
नानीचाय् न्ह्यने खनेदुगु दक्व किपाथें
दयाच्वनी । ताहा अथवा नाग स्याइ
बलय् नं संजोगं किपा वय्केत माःगु
पूर्वाधार मिलय् जुल धाःसा न्ह्यःने
च्वमेसिगु किपा वयाच्वनेफु ।

नाग अथवा ताहाःत नं मेमेपिं
प्राणी त थें हे ज्वःज्वः मिलय् जुयाः
च्वनीपिं प्राणीत खः । निश्चित ई
तक नं थःम्ह ज्वः नापमलात धाय् व
उखेंथुखें माःवनीगु थुमिगु स्वभाव
दु । सिनाच्वम्ह हे जूसां मातु मालाः
लुयावल व सिनाच्वमेसिया मिखाया
नानिचाय् छुं जुयाः च्वय् धयाथें
लेन्स, फोकस व टाइमिंग मिलय् जुयाः
स्याःमेसिया किपा वयाच्वंगु दत धाःसा

खंकी । थज्याःगु अबस्थाय् थःगु
ज्यानया तकं माया मकासे नानीचाय्
खनेदुमेसित मातुमालाः व लितुलिनाः
जूसां न्याय्गु स्वइ । उकें छुं गथें जुयाः
नाग अथवा ताहाः स्याय् माःसा स्याय्
धुंकाः छय् नचुकेमाः धाइ ।

भीगु धार्मिक मान्यता कथं
नागयात घः कथं मानय् यानातःगु दु ।
नाग पञ्चमी खुन्हु थ्वया किपा तयाः
पुजा याइ । थ्वयात नागराजा कथं
संबोधन याय्गु याः । नागराजापिनिगु
गुलिखे पौरानिक धार्मिक बाखं दु ।
थज्याःगु दक्व बाखंत लः नाप स्वापू
दयाच्वंगु दु । नागयात लःया श्रोत
कथं काय्गु याः । उकें गननं तुं बुंगाः
दय्केत न्हापां नागया निं आराधना

याइ । नागया प्रतिक पलिस्था याःसा
जक लः बांलाक वइ धयागु बिश्वास
याइ ।

नाग अथवा तःधिकाःपिं ताहाःत
अप्वः धयाथें लःया श्रोत बल्लाःथाय्
थासय् च्वनेगु याइ । थज्याःथाय् न्या व
ब्यांत नं दयाच्वनी । गुगु इमि यःगु नसा
खः । अथे जुयाः थुपिं दुथाय् लःया
धन्दा मजुइगु खः ।

लः धयागु प्राणी मात्रयात मदय्कं
मगाःगु चीज खः । लः मदय्कं सुनं
म्वाय् फइमखु । नाग अथवा ताहाःनं
लः दुगु थाय् म्हसीकेत ग्वाहालि याइ ।
थज्याःगु बिश्वासया हुनि व च्वय्
न्ह्यथनागु हुनि नाग अथवा ताहाः
स्याय् मत्यः धयातःगु खः ।

Binod Maharjan
9841369552, 9808644666

बि.आर्ट्स

B. Arts

Nayabazar, Kirtipur

4335491, b.arts4335491@hotmail.com

★ Banner, Flex Board
★ Glow Sign Board
★ Sticker Cutting / Printing
★ Screen / Rubber Print
★ Self-ink / Rubber Stamp
★ PVC (ID) / Visiting Card
★ all kinds of press works

100% Vegetarian

Sweet Cave

Sweets - Namkeen - Fast Food

Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन, बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

यै मनपाया सांस्कृतिक अतिक्रमणया विरोध



यै महानगरपालिकां ल्हुति बाइसधाराय् अतिक्रमण याना: संस्कृति, परम्पराय् पंग: थंगु धासें बालाजुवासीत विरोधय् कुहांव:गु दु। वंगु शनिबा: समितिं ल्हुतिया बाइसधाराय् यै महानगरं सांस्कृतिक अतिक्रमणलिसें भ्रष्टाचार या:गु धासें ल्हुति क्यबया ध्वाखाय् प्लेकार्डलिसें धर्ना बिया: विरोध प्रदर्शन या:गु ख:। महानगरं न्ह्याकूगु क्यबं पुर्खा न्ह्याकाव:गु धर्म, संस्कृतिइ तप्यंक हस्तक्षेप या:गु स्थानीय वासिन्दालिसें सामाजिक अभियन्ता रविन्द्र कुमार श्रेष्ठ ध्यादिल। 'न्हापा देग:', सत: वनेत पार्क जुया: वनेम्वा:। आ:

टिकट न्याना: पार्क जुया: हे वनेत स्थानीययात बाध्य या:गु दु। सनिलय् दता: ई लिपा गेटय् तालं ग्वयाबीगु या:बलय् धर्म, संस्कृति अतिक्रमणय् ला:गु दु' अभियन्ता श्रेष्ठ ध्यादिल। न्हापानिसें ल्हुति बाइसधाराय् दुगु शितलामाई देग: व रत्नचुडेश्वर देग: क्षेत्रया बिस्कं हे ध्वाखा दुगुलिइ आ: उगु ध्वाखा बन्द याना: पूजा या:वईपिं भक्तजनतय्त नं टिकट काय्स्वा:गु अवस्था ब्वलंकूगु स्थानीयया कुंखिना दु। शितलामाईया सामुदायिक ट्रष्टय् नं यै महानगरं अतिक्रमण या:गु व थ्व हे हुनि परापूर्वकालनिसें न्ह्यानाव:गु धार्मिक व सांस्कृतिक ज्याय् पंग: थंगु

नं स्थानीय न्हयथंगु दु।

महानगर प्रमुख बालेन्द्र साहयात वय्क:या हे सचिवालयमार्फत जानकारी बियां नं नापलाय्त ई तर्क मव्युगु अभियन्ता श्रेष्ठ ध्यादिल। धर्म संस्कृतिया खँय् जिम्मेवार महानगर थ: हे संस्कृति अतिक्रमणय् कुहांव:बलय् शान्तिपूर्ण आन्दोलनया न्हापांगु चरणय् धर्ना च्वनागु श्रेष्ठ ध्यादिल। ल्हुति बाइसधारा मेलाय् नं बिना सहलह गबलें महानगरया कर्मचारी सा गबलें वडाध्यक्षयात कजि दय्का: हस्तक्षेप यानाव:गु समितिं दाबी या:गु दु। जात्रापरवया लागिं व:गु बजेट संगठित रुपं हिनामिना या:गु द्वपं नं समितिं ब्यूगु दु। अथे हे, प्राचीन स्मारक ऐन, पुरातत्व सम्बन्धी ऐनयात बेवास्ता यासें स्थानीयया विरोधया वाबजुद सलंस: दै पुलांगु पुर्खुलिइ सिमेन्ट ढलान याय्गु या:गु धासें सम्पदाय् गैरकानुनी ज्या दिकेत व ल्हुति बाइसधारा क्यबया स्तरोन्नती याय्त नं समितिं माग या:गु दु।

'इतुंबाहा: म्युजियम'या उलेज्या

इतुम्बहालय् छगू ज्याइव: दथुइ श्री भाष्करदेव संस्कारित केशचन्द्रकृत पारावत् महाविहार संरक्षण समाजया ग्वसालय् रुविन म्युजियमया ग्वाहालिइ 'इतुंबाहा: म्युजियम' या उलेज्या शनिवा: जूगु दु।

छगू ज्याइव: दथुइ उगु म्युजियमया उलेज्या यै महानगर या पूर्वप्रमुख विद्यासुन्दर शाक्य व बागमती प्रदेश सभासद शैलेन्द्रमान बज्राचार्यपिन्सं यानादीगु ख:। स्वनिगलय् दकलय् पुलांगु व दकलय् त:धंगु महाविहारमध्ये छगू बिहार ख: इतुंबाहा:, "भाष्करदेव संस्कारित के शचन्द्रकृत पारावत् महाविहार"।

रुवेननाप सहकार्य

इतुंबाहा: म्युजियम स्थापनाया लागि अमेरिकाया न्युयोर्कीस्थित रुविन म्युजियम आर्ट नाप समाज सहकार्य या:गु दु। अथेहे, इतुंबाहा समाज उगु म्युजियमया परिकल्पना लुम्बिनी



बौद्ध विश्वविद्यालयया म्युजिलियोजी एन्ड बुद्धिस्ट कलेक्सन प्रोग्रामनाप न सहकार्य या:गु ख:।

सन् १९९९ य् इतुम्बहालय् विद्याधर द्य: अमेरिकाय् थ्यंगु ख:। सन् २००३ य् रुवेन म्युजियमया संग्रहय् विद्याधर नं थपे जूगु दु।

सामाजिक सञ्जालमार्फत् सतर्क यायेत मञ्च लस्ट आईसपाखे

रुवेन म्युजियम उगु प्राचीन महत्व स्वा:गु सामाग्री विद्याधरया इतिहासबारे अवगत याकूगु ख:।

वयालिपा रुवेनं याकन हे खँ थुइका अनुसन्धान याना व विद्याधर यात पुलागु हे थाय् इतुम्बहालय् लित बिइत न्युयोर्कय् च्वंगु नेपाली वाणिज्य दुतावासनाप सहकार्य याना: विद्याधर यात लित ह:गु ख:।

त:ननि दाफा खल:या शिक्षा अभिमुखीकरण



त:ननि दाफा खल:या ग्वसालय् एसइइ व १२ कक्षाया विद्यार्थीतय् निती शिक्षा अभिमुखीकरण ज्याइव: या:गु दु। किपू नगरपालिका १० वडाया सहकार्यय् वडाया हे सनस्टार क्लब व द लोकल्स किपूया सहआयोजनाय् एसइइ व १२ कक्षा विद्यार्थीया निती 'करिअर टक-२०८०' शिक्षा अभिमुखीकरण ज्याइव: या:गु ख:। ज्याइवल्य् वक्ताकथं थीथी ख्य:या ल्याय्म्ह व्यक्तित्वपिंसं थ:पिंसं यानागु संघर्ष, भोगाई, अनुभवलिसें

भविष्ययाबारे राय, सुभाब सहितया नुग:खँ तयादीगु ख:। शिक्षा मन्त्रालयया उपसचिव मनिषा महर्जन, ईपिग्राफिस्ट भरत महर्जन, भरतनाट्यमया नृत्य कलाकार स्वजन रघुवंशी, संगीतकर्मी पुष्पा पलाज्वोके, सिभिल इन्जिनियर रोशन सिंह महर्जन, आइटीया सुशान्त महर्जन, थिएटर कलाकार मनोज महर्जन, युट्युबर आशुतोष बाराही लगायत थ:पिनिगु अनुभव न्यकादीगु ख:। वक्तातय्सं विद्यार्थीतय्त थ:पिनिगु रुचि कथंया

विषय कया: अध्ययन यानावसा जक लक्ष्य प्राप्त याय्त सहज जुइगु धासें सर्वोत्कृष्ट ल्या: हय्वं विज्ञान हे ब्वनेमा:गु मानसिकता तय्मज्यूगु खँ त:गु ख:। दाफा खल:या नाय: दिलिपकुमार महर्जन व द लोकल्स किपूया नाय: निर्जला महर्जन मेपिनिगु दबाव स्वयां थ:पिनिगु इच्छा व रुचिइ केन्द्रीत जुइत इनाप यानादिल।

ग्वसा: खल: दाफा खललिसें सह आयोजक सनस्टार क्लब व द लोकल्स किपुलिं एसइइ व १२ कक्षाया विद्यार्थीया दथुइ खनेदयाच्चंगु अन्यौलता चीका: दिमागी परिस्थितिथात 'ब्रेन वास' याय्कथं उकथंया अभिमुखीकरण ज्याइव: यानागु जानकारी ब्यूगु दु। ज्याइवल्य् किपू नगरपालिकाया उपप्रमुख शुभलक्ष्मी शाक्य (सुनिता) या नं उपस्थिति दुगु ख:।

'उ गरेर उ गरौं' सार्वजनिक यात



यै महानगरपालिकां स्थानीय न्यायिक निरूपणया बाखंया लिधंसाय् निर्माण या:गु चिहा: संकिपा 'उ गरेर उ गरौं' सार्वजनिक या:गु दु। उगु चिहा: संकिपा मेट्रो न्युज युट्युब च्यानलय् सार्वजनिक या:गु ख:। छगू ज्याइव:या दथुइ यै महानगरपालिकाया उपप्रमुखलिसें न्यायिक समितिया कजि सुनिता डंगोल संकिपा सार्वजनिक यानादिल। संकिपा सार्वजनिक यासें उपप्रमुख डंगोल थम्हं पद बहाली यानागु इलय् हे स्थानीय विवाद निरूपणया नितीं मेलमिलाप केन्द्र संचालन याय्गु व उकिया नितीं बिस्कं मिसा संजाल गठन याय्गु निर्णय यानागु खँ लुमंकादिल। केन्द्र व संजाल गठन याना: कार्यान्वयनय् वनेगुलिसें उकिया लिच्च: नं वय्गु शुरु जूगुलिं थ:त गर्व महसुस जूगु वय्कलं ध्यादिल।

यै महानगरया प्रमुख प्रशासकीय अधिकृत वसन्त अधिकारी स्थानीय तहय् न्यायिक समितिं समाधान जूगु विवादया ल्याखं अदालतय् चाप म्हव: जूगु जानकारी बियादिल। वरिष्ठ कलाकारलिसें संकिपाया निर्देशक मदनकृष्ण श्रेष्ठ शान्तिपूर्ण व सद्भावयुक्त समाज दय्केगु सन्देश प्रवाहया नितीं महानगरपालिकालिसे सहकार्य याय्खंगुलिं लय्ता:गु ध्यादिल। मेम्ह निर्देशक हरिवंश आचार्य थ:पिंसं आ:तकया दुने म्हव: इलय् दकलय् बांला:गु संकिपा दय्कागु दाबी यानादिल। उगु इलय् चीहा: संकिपाया कलाकार, प्राविधिक व न्यायिक सम्मेलनय् ग्वहालि या:पिं व्यक्ति व संघसंस्थायात उपप्रमुख डंगोल दसिपौ व प्रमुख प्रशासकीय अधिकृत अधिकारी मतिनाया चिंकेथं सुकू ल:ल्हानादीगु ख:।

विद्यालय....

कार्यक्षेत्रया थ:गु सम्पूर्ण स्थानीय तह ख:, वडाध्यक्षया थ:गु वडा ख:। थ:गु कार्यक्षेत्रय् मेयर, उपमेयर वा वडाध्यक्ष विद्यालयया अनुगमन याय्दइ, स्वय् दइ। थज्या:गु अवस्थाय् नं दक्व दक्व थासय् थ: हे अध्यक्ष जुयाजुइगु ख:सा गनं नं बांलाक स्वय् फइमखु', शाक्यं ध्यादिल। 'वडाध्यक्ष अनुगमन जक याय्गु ख:, अध्यक्ष जूवनेगु मखु।'

छखे विद्यालययात राजनीतिमुक्त क्षेत्र दय्केमा:गु अवस्था, मेखेवडाध्यक्षयातविद्यालय व्यवस्थापन समितिया अध्यक्ष दय्केगु निर्णय। वडाध्यक्ष धयापिं छुं न छुं राजनीतिक दलं निर्वाचित जुयाव:पिं जुयाच्चनी। दक्व दक्वथाय् स्वतन्त्र हे त्याइ धयागु मदु। अप्व: थासय् दलीय प्रतिनिधि हे निर्वाचित जूगु दु। छुं थासय् स्वतन्त्र त्या:गु हे दुसां कन्हय् वना: छुं दलय् आवद्ध मजुइ वा न्हूगु दल मदय्की धका: धाय् फइमखु। न्हूगु वा पुलांगु छुं नं दलय् आवद्ध जुयाखतं व दलया विचार, सिद्धान्तं प्रभावित पक्कां जुइ। अले राजनीतिक दलय् आवद्ध व्यक्तिपाखें विद्यालययात नं राजनीतिइ प्रभावित याय्त स्वइमखु धका: धाय्फइ मखु।

यल नेवा: ...

समाजया नाय: शिवराम तण्डुकार, ल्यूछ्याज्जे सिकर्मी समाजया नाय: विष्णुलाल सिकर्मी ल्य:गु दु। कार्यकारिणी दुजलय् जोशी समाजया नाय: दिपेशमान जोशी, शिल्पकार समाजया नाय: धर्मरत्न शिल्पकार, नापित समाजया नाय: कृष्णमाया नापित व रज्जित समाजया नाय:पाखें समुन्द्रमान रज्जितकार च्वनादीगु दु।

थ:गु जाति दुने न्ह्यानाच्चंगु संस्कार, रितिरिवाजया संरक्षणयालिसें नेवा: समुदायया हकहित, नेपाल भाषा, संस्कृति व परम्परा ल्यंकेत ब्यागलं ब्यागलं ज्या यानाच्चंगु संगठनं एकिकृत रुपय् समन्वय याना: न्हयज्याय्त समाज स्थापना जूगु अध्यक्ष विनोद ताम्रकारं कनाइगु दु। सरकारं २०७५ सालय् प्रस्तावित गुठी विधेयक विरुद्धया आन्दोलन, २०७७ साल भदौ १८ गते रातो मच्छिन्द्रनाथ पूच्वं सालेगु इवल्य् ल्वापु जूगु घटनालिपा उगु संगठनयात थ:थ:गु जातीय संगठनया चाकलं पिने बिचा: याय्मा:गु, नाप च्वनेमा:गु व जाना: ज्या याय्मा:गु अवस्था ब्वलंका ब्यूगु नाय: ताम्रकारं कनादीगु दु।

हरेक मंगलवार

राष्ट्रियताको लागि समर्पित



मेरो साप्ताहिक

मन्त्र साप्ताहिक Mero Saptahik

माला: माला: ब्वनादिसैं।

‘ज्वरा ज्वरा पर्सि’ म्यूजिक भिडियो पितृव्यज्या



ख्यालजुजु मदनकृष्ण श्रेष्ठ व गंगाबहादुर माली च्यादीगु लोक लसय् आधारित ‘ज्वरा ज्वरा पर्सि’ म्ये छगू ज्याइवः दथुइ हरिवंश आचार्य पितृव्यज्या यानादीगु खः ।

ख्यालजुजु श्रेष्ठलिसैं रोजी डंगोल श्रेष्ठ व सरीता शाहीं हालादीगु म्येया म्यूजिक भिडियो पितृव्यज्याय् प्रकाश सायूमि विशेष पाहाँ व सिने पत्रकार विजयरत्न असंबरे पाहाँ कथं

भायादीगु खः ।

गोपालकृष्ण महर्जनया सभाध्यक्षताय् जुगु ज्याइवल्य् म्येहालांमि रोजी डंगोल श्रेष्ठ लसकुस यानादीगु खः । उगु म्यूजिक भिडियोया निर्देशक रामकृष्ण खड्गी यानादीगु खःसा छायांकन लुजः सिंह, सम्पादन बालकृष्ण बंशी, म्यूजिक भिडियोया कलरिड संजीवरत्न शाक्य, हरिशरण सायूमि रेकर्डिड यानादीगु लोक लयया थ्व म्येया निर्मित जीवित जल्मी बाजं ग्वसाः ग्वयादीगु खः ।

म्यूजिक भिडियोय् मदनकृष्ण श्रेष्ठ, बसुन्धरा भुपाल व सूर्यमाला शर्मा खनालपिन्स अभिनय यानादीगु खः ।

निक्वःगु हलिं नेवाः न्ह्यसःलिसः जुइगु



वर्ल्ड नेवाः अर्गनाइजेशन (डब्ल्यूएनओ)या ग्वसालय् निक्वःगु हलिं नेवाः न्ह्यसःलिसः कासा ११४३ याइगु जुगु दु । कासा भदौ २ गते शनिवाःनिसें न्ह्याइगु डब्ल्यूएनओ धाःगु दु । प्रविधि छ्यलाः जुइगु धेंधेबल्लाख्य ब्वति कायूत हलिंया न्ह्यागु देसय् च्वनाच्चीपिं १२ कक्षातक ब्वनातःपिं ब्वमिपिसं थ्व हे साउन २७ गतेतक क्वःछिनातःगु ध्यबा पुलाः फाराम जायके फइगु डब्ल्यूएनओ धाःगु दु । ब्वति कायूगु निर्मित नेपाःयापिनि निर्मित द्वःछि तका व नेपाल पिन्या देसय् च्वीपिनि निर्मित २५ अमेरिकी डलर शुल्क क्वःछिनातःगु दु ।

डब्ल्यूएनओयाकथं धेंधेबल्लाया कुल ३२ गू टीमयात जक ब्वति कायूकी । पुचः ब्वथलाः छगू पुचलय् प्यंगू पुचः दइ । न्हापांगु चरणय् उत्कृष्ट २ टीम निगूगु चरणय् वनी सा निगूगु उत्कृष्ट एक टीम स्वंगूगु चरणय् वनी । उत्कृष्ट टीमतय् दथुइ फाइनल कासा जुइ ।

बिजं कासाय् न्हाप जुगु टीमयात द्वःछि अमेरिकी डलर, निगूगुयात ८०० अमेरिकी डलर, स्वंगूगु पुचःयात ६०० अमेरिकी डलर व हःपाः सिरपाःकथं ४०० अमेरिकी डलर पुरस्कार व पुचः त्याकामि पुचःयात ८० अमेरिकी डलर नगद पुरस्कार प्रदान याइगु डब्ल्यूएनओ धाःगु दु ।

दुषित पानीका कारण हुने रोगप्रति सजग रहौं

फोहर पानी पिउनाले भाडापखाला, हैजा, टाइफाइड, आउँ, जण्डिसजस्ता रोग लाग्न सक्छ ।

त्यसैले:

- खोला, धारा वा मुलको पानी सिधै नपिऔं
- पानी उमालेर मात्र पिऔं ।
- उमाल्न सम्भव नभएमा शुद्धीकरण गरेर मात्र पिऔं ।
- पिउने पानीलाई सफा भाँडामा छोपेर राखौं र सफा भाँडाले पानी भिक्ने गरौं ।



नेपाल सरकार

विज्ञापन बोर्ड

सुगन्ध गुने सामानहरू डेरी, मासु, बेकरी उद्योगकालागि महिने उपकरणहरू, प्याकिङ मेसिन, प्याकिङ मेटेरियलहरू, विविध केमिहलहरू तथा विविध औद्योगिक उपकरणहरू ।

व्याकुल प्याकिङ मेसिन मिटिकङ मेसिन अटोमेटिक मिक्सिङ मशीन

मिल्क क्यान क्रिम सेपरेटर मेसिन प्लेट चिलर

श्रेष्ठ ट्रेड मेडिया

श्री लाल मजु, १३ टंकेश्वर (छाउनी जाने बिष्णुमति पुलसंगै), काठमाडौं । फोन : ८२६०६८६/९८५१०८८५२
Email: laltc@wlink.com.np, lal265shrestha@gmail.com, laltc@hotmail.com
A House of Dairy Equipment & Chemicals
साला डेरी उद्योग सञ्चालन गर्न आवश्यक प्राविधिक तथा आर्थिक सल्लाह

छत्रपाटी निःशुल्क चिकित्सालय (अस्पताल)

“स्त्रीय शलभ स्वास्थ्य सेवा सकसियां निति, असहायवा निति जक निःशुल्क”

उपलब्ध सेवा

२४ घण्टा सेवा

- इमरजेन्सी
- प्याथोलोजी
- एक्स रे
- ई.सी.जी
- औषधि पसल
- अन्तरंग सेवा

शल्यक्रिया

- मोनिटिङ
- अन्तरंग सर्जरी
- नाक कान घाँटी सम्बन्ध
- हाडजोर्नी तथा गता सम्बन्ध
- ब्रिज चिरफार फिल्ल गतीको फलर सम्बन्ध

बहिरंग सेवा

- मृद रोग
- पीट रोग
- प्युरोलीजी
- स्त्री रोग
- बाल रोग
- कथान्तर रोग
- बन्ध रोग
- अपिडा रोग
- अन्तरंग मेडिसिन
- बन्ध तथा गीम रोग
- नाक कान घाँटी रोग
- अन्तरंग हेल्थ चेक अप
- वाइरसिड
- मधुमेह

मेमेगु सेवा

- डेरिडि
- इण्डोस्कोपी
- कोलोन्कोस्कोपी
- फिजियोथेरापी
- अन्तर्गत, अन्तर रोग
- प्युरोलीजी सरको दन्त प्रयोगशाला
- टि.एच.टि. इन्टर

२४ घण्टा इमरजेन्सी सेवा

७०८ गंगालाल मार्ग, छत्रपाटी, काठमाडौं, फोन: ४२१६१३८, ४२५७९११, ४२६६२२९,

अध्यक्ष, प्रधान सम्पादक नाप लहना मिडियाया निर्मित प्रकाशक : नृपेन्द्रलाल श्रेष्ठ (९८५१०९८०९५) • सम्पादक : जुजुमान महर्जन • कार्यकारी सम्पादक : सुरेन्द्रभक्त श्रेष्ठ (९८५१०९९४७२), खुसिबुं, यैं ।

email: lahanaweekly@gmail.com • लेआउट : सुर संसार मिडिया, ओन्दे, ०१५-९०९२५० • मुद्रक : स्वेतकाली छापाखाना, यैं ।